



Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 59. Regis diploma adversus Universitatem

[urn:nbn:de:hbz:466:1-66414](https://nbn-resolving.de/urn:nbn:de:hbz:466:1-66414)

Sæcul. XVI. sita querebatur, eamque scandalosam,
 A.C. 1518. temerariam, stultam, summa impruden-
 tia conceptam, ac suppressa veritate frau-
 dulenter compositam appellabat, addit-
 que, quod a Regis mandato appellare,
 nefas esset, cum is unicus Regni Monar-
 cha ex steret, neminem vero superiorem
 se, a quo ejus jussa aut corrigi aut infir-
 mari possent, agnosceret. Interea vero
 ambo Commissarii juxta Regis mandata
 inquirebant, & appellationis literas ab
 Universitate affixas abstrahi jubebant,
 necnon Regiæ suæ Majestatis nomine,
 quicquid seditioni ansam dare posset, ag-
 gredi prohibebant. Ast adhucdum ex
 Universitate nonnulli ejusmodi mandati
 executioni obſistere præſumpferunt, imo
 vim quoque adhibere non erubuerunt;
 Parliamentum vero præcipuis Academiæ
 membris ad se convocatis temeritatem,
 qua usi effent, eis exprobravit.

§. LIX.

*Regis diploma adversus Univer-
sitatem.*

*Miffon. p.
737.*

Tanta Universitatis audacia Regem
 compulit, ut auctoritatis suæ vim
 exereret; quocirca die vigesima quinta
 Aprilis Ambasiæ literas dedit, Regii edi-
 eti formam continentes, quibus Rectori,
 atque Universitatis sociis conceptis ver-
 bis

bis inhibuit, ne de rebus Regni statum, Sæcul. XVI.
instituta, regimen, Regis edicta, ejus- A.C. 1518.
que mandata spectantibus conventus
agerent, indicta etiam poena, qua tran-
gressores omnibus privilegiis exuerentur.
Die vigesima septima Aprilis Commissarii
hasce literas Parlamento tradebant, postu-
lantes, ut ad acta referantur: altera autem
die Regis Deputati sciscitabantur, quo
tenore hasce literas inscribere cogita-
rent: ad hæc Parlamenti Curia decrevit,
Regi significandum, quod ejus literæ a
Commissariis fuerint quidem exhibitæ,
necdum tamen tabulis insertæ, hujus
vero cunctationis caussas Regi, quando-
cunque libuerit, exponere Curia esset
parata; his tamen simul subjunxit, quod
Universitatem minime deceret, ut sese,
aut Regni negotiis, aut rebus status di-
sciplinam vel administrationem concer-
nentibus immisceat. Postmodum primus
Parlamenti Præses, jubente Rege, Com-
missariis causas atque rationes, quibus
Curiæ Patres pernoti Regis literas ad
acta referre distulissent, exposuit, eo-
demque temporis puncto Adamo Fumæo
Concordati auctographum tradidit, quod
deum Cancellarii manibus redditum
fuit.

§. LX.